佛说炽盛光大威德消 灾吉祥陀罗尼经

唐特进试鸿胪卿三藏沙门大广智不空奉 诏译



南無本師釋迦牟尼佛

说明

本简体校正版《佛说炽盛光大威德消灾吉祥陀罗尼经》电子书,根据《乾隆大藏经》宋元入藏诸大小乘经,第1005部,唐特进试鸿胪卿三藏沙门大广智不空奉诏译《佛说炽盛光大威德消灾吉祥陀罗尼经》原藏影印本校正,句读仅供参考。

本电子书是免费结缘品。特此说明。

仁慧草堂 二〇一八年九月

佛说炽盛光大威德消灾吉祥 陀罗尼经序

越溪沙门性澄述

夫能仁之为教也, 所契者道, 所体者神。统 法界而有为,穷三世而不息,无乎不在。故天为 覆, 地为载, 日月星辰为照临, 群生品物为吉凶 消长,感而遂通。故凶可以避,吉可以趋,天地、 日月、星辰、万物各可以使其至于当者, 皆斯经 之宗用也。其消禳灾难,导致祯祥,方轨坛仪, 要制期限, 粲然靡所不载, 足以上福邦家, 下佑 民庶,即近而达远,即事而显真。诚博要之道欤! 爰自不空传译, 历代宝之, 依法诵持, 众机蒙益。 可无训释以裨流通?维昔云间鉴师,虽尝疏解, 繁略未驯, 輙不自揆, 采摭山家诸祖格言, 删补 治定, 庶或少补于将来。时至治二年, 龙集壬戌, 奉诏赴都,乘驿淮河,中秋日叙。

●起诵仪

香赞

(一遍)

炉香乍爇. 法界蒙薰. 诸佛海会悉遥闻. 随处结祥云. 诚意方殷. 诸佛现全身.

南無香云盖菩萨摩诃萨 (合掌三称) 南無本师释迦牟尼佛 (合掌三称)

开经偈

(一遍)

无上甚深微妙法 百千万劫难遭遇 我今见闻得受持 愿解如来真实义

佛说炽盛光大威德消灾吉祥 陀罗尼经

唐特进试鸿胪卿三藏沙门大广智不空奉 诏译

尔时,释迦牟尼佛在净居天宫,告诸宿曜、游空天众、九执大天及二十八宿、十二宫神、一切圣众:

"我今说过去娑罗王如来所说炽盛光大威 德陀罗尼除灾难法。若有国王及诸大臣所居之处 及诸国界,或被五星陵逼,罗睺、彗孛妖星照临 所属本命宫宿及诸星位,或临帝座,于国于家及 分野处陵逼之时,或退或进,作诸障难者,但于 清净处,置立道场,念此陀罗尼一百八遍,或一 千遍,若一日、二日、三日,乃至七日,依法修 饰坛场,至心受持读诵,一切灾难,皆悉消灭, 不能为害。若太白、火星入于南斗,于国于家及 分野处作诸障难者,于一忿怒像前,画彼设都噜 形,厉声念此陀罗尼加持,其灾即除,移于不顺 王命,悖逆人身上受者。

"即说陀罗尼曰:

曩谟三满路^一没驮喃^{上声}阿钵啰^二底^{丁逸}贺哆舍^四

娑声娜喃声怛侄他[^] 唵 兄 佉 佉 化 佐 呬 上 佐 呬 [^] 中 件 件 入 嚩 一 一 入 嚩 啰 — 入 嚩 啰 — 钵 啰 — 入 嚩 一 羅 — 钵 啰 入 嚩 播 — 钵 啰 入 嚩 播 — 钵 啰 入 嚩 播 — 体 啰 入 嚩 播 — 依 瑟 姹 — 点 底 瑟 姹 — 点 瑟 致 — 哩 — 表 致 — 哩 — 萨 普 — 吒 — 萨 普 — 吒 — 扇 底 迦 — 室 哩 — 曳 — " 娑 嚩 — 贺 — " 普 — 千 章 底 遗 — " 室 哩 — 曳 — " 娑 嚩 — 贺 — "

"此陀罗尼一切如来同共宣说,若有苾刍、苾刍尼、族姓男、族姓女,受持读诵此陀罗尼者,能成就八万种吉祥事,能除灭八万种不吉祥事。若有国王、大臣及诸眷属、一切庶民,或被五星、罗睺、计都、彗孛妖恠恶星陵逼帝座,于国于家及分野处所属宫宿,灾难竞起;或镇星陵逼,或进或退,及宿世冤家欲相谋害,诸恶横事,口舌厌祷呪诅以为灾难者,令诸众生,依法受持,一切灾难,悉皆消灭,不能为害,变灾为福,皆得吉祥。我今说此陀罗尼,不可思议,功德无比,秘密受持,勿妄宣传。"

尔时,如来告诸四众:"若有国界不安,灾难并起,请清净众如法建立道场,安置佛像,结界护持,香华灯烛,随分供养,令诸有情,获福无量,其灾即除。"

尔时,如来说是陀罗尼经已。时,曼殊室利菩萨摩诃萨及诸声闻四众,游空大天及诸星辰一切圣众,咸依佛敕,顶礼奉持,各还本宫。及天

龙八部、一切大众, 闻佛所说, 皆大欢喜, 信受奉行。

佛说炽盛光大威德消灾吉祥陀罗尼经

●结诵仪

补阙真言

(三遍)

南無喝啰怛那. 哆罗夜耶. 佉啰佉啰. 俱住俱住. 摩啰摩啰. 虎啰. 吽. 贺贺. 苏怛拿. 吽. 泼抹拿. 娑婆诃.

消灾吉祥神咒

(三遍)

南無佛 南無法 南無僧(合掌三称)

南無一切如来、应、正等觉(合掌三称)

南無本师释迦牟尼佛(合掌三称)

回向偈

(一遍)

诵经功德殊胜行 无边胜福皆回向 普愿沉溺诸有情 速往无量光佛刹 十方三世一切佛 一切菩萨摩诃萨 摩诃般若波罗蜜

回向偈

(一遍)

愿以此功德 庄严佛净土 上报四重恩 下济三途苦 若有见闻者 悉发菩提心 尽此一报身 同生极乐国

三皈依

(一遍)

自皈依佛, 当愿众生, 体解大道, 发无上心。 自皈依法, 当愿众生, 深入经藏, 智慧如海。自 皈依僧, 当愿众生, 统理大众, 一切无碍, 和南 圣众。

南无护法韦驮尊天菩萨





此咒置经书中可灭误跨之罪